

JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

U skladu sa članom 100. stav (3) Zakona o javnim nabavkama („Sl. glasnik BiH“, broj: 39/14), rješavajući po žalbi ponuđača „Flex invest“ d.o.o. Sarajevo broj 415/20 od 22.07.2020. godine izjavljenoj na Odluku o izboru najpovoljnijeg ponuđača za LOT 1 – nabavka motoričkih igračaka, broj 01-11-1890-9-1/20 od 16.07.2020. godine i člana 27. Pravilnika o javnim nabavkama Javne ustanove za predškolski odgoj i obrazovanje „Naše dijete“ Tuzla, a na prijedlog Komisije za javne nabavke imenovanu Rješenjem direktora br. 01-202-1/2020 od 17.01.2020. godine, direktor Ustanove donio je sljedeću

ODLUKU

I

Usvaja se žalba ponuđača „Flex invest“ d.o.o. Sarajevo broj 415/20 od 22.07.2020. godine, a zaprimljena na protokol Ustanove br. 01-11-2216-1/2020 dana 24.07.2020. godine, a izjavljenoj na Odluku o izboru najpovoljnijeg ponuđača za LOT 1 – nabavka motoričkih igračaka, kao **djelimično osnovana**.

II

Ovom Odlukom stavlja se van snage Odluka o izboru najpovoljnijeg ponuđača broj 01-11-1890-9-1/20 od 16.07.2020. godine za LOT 1– nabavka motoričkih igračaka, kojom je ugovor dodijeljen ponuđaču „Fun design“ d.o.o. Sarajevo kao najpovoljnijem ponuđaču.

III

U skladu sa odredbom člana 69. stav (2) tačka d) Zakona o javnim nabavkama BiH, poništava se postupak javne nabavke u predmetu – *nabavka motoričkih igračaka (LOT 1) za potrebe Ustanove* provedenog putem konkurentskog zahtjeva za dostavu ponuda broj obavještenja 1194-7-1-24-3-13/20 od 01.07.2020. godine sa Portala javnih nabavki BiH iz razloga što nijedna od primljenih ponuda nije prihvatljiva.

IV


Odluka stupa na snagu danom donošenja i objaviće se na internet stranici JU „Naše dijete“ Tuzla u skladu sa članom 70. stav (6) Zakona o javnim nabavkama BiH.

OBRAZLOŽENJE

Na osnovu člana 64. stav (1) tačka b), člana 69. stav (1) tačka a) i člana 70. Zakona o javnim nabavkama BiH („Sl. glasnik BiH“, broj: 39/14) i na osnovu Odluke o pokretanju postupka nabavke po konkurentskom zahtjevu za dostavljanje ponuda br. 01-11-1890-3/2020 od 29.06.2020. godine, broj obavještenja 1194-7-1-24-3-13/20 od 01.07.2020. godine sa Portala javnih nabavki BiH, dodijeljen je ugovor za nabavku motoričkih igračaka (LOT 1) ponuđaču „Fun design“ d.o.o. Sarajevo sa ponudom u vrijednosti od 7.039,94 bez PDV-a.

Nakon dostavljanja obavještenja svim ponuđačima, ponuđač „Flex invest“ d.o.o. Sarajevo je zatražio uvid u ponude ponuđača. Nakon uvida u ponude, obavljenog dana 21.07.2020. godine, navedeni ponuđač je uložio žalbu br. 415/20 od 22.07.2020.godine, koja je u ugovornom organu zaprimljena dana 24.07.2020. godine.

Komisija za provođenje postupka javnih nabavki, imenovana Rješenjem br. 01-202-1/2020 od 17.01.2020. godine je konstatovala da je Žalba blagovremena, dopuštena i izjavljena od strane ovlaštenog lica.



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

Postupajući po Žalbi, razmotreni su navodi iz iste, izvršen je uvid u kompletnu dokumentaciju, izvršena ponovna analiza dokumenata, a u odnosu na navod i propisani zakonski postupak, te je utvrđeno da je Žalba djelimično osnovana. Navodi koji se odnose na uvid u ponudu ponuđača „Fun design“ d.o.o. Sarajevo su ocijenjeni kako slijedi:

Navod da je pomenuti ponuđač propustio da dostavi Aneks 1. tenderske dokumentacije *nije osnovan*. U tenderskoj dokumentaciji nije navedeno da su ponuđači obavezni da u svojoj ponudi dostave i Aneks 1, kojim se samo navodi da je obavještenje o nabavci objavljeno zajedno sa tenderskom dokumentacijom na portalu www.ejn.gov.ba.

Navod da je pomenuti ponuđač propustio da uredno popuni Aneks 2. – obrazac za dostavljanje ponude *je osnovan*. Ponuđač „Fun design“ d.o.o. Sarajevo u pomenutom Aneksu nije upisao broj obavještenja sa portala javnih nabavki na mjesto koje je za to predviđeno.

Navod da je pomenuti ponuđač propustio da pravilno popuni Obrasce izjava iz člana 45. i člana 52. Zakona o javnim nabavkama BiH, kao i Izjavu ponuđača iz Aneksa 2. – obrazac za dostavljanje ponude *je osnovan*. Ponuđač „Fun design“ d.o.o. Sarajevo je na mjestima gdje je bilo potrebno upisati broj obavještenja predmetne nabavke upisao broj postupka ugovornog organa.

Navod da je pomenuti ponuđač propustio da dostavi odgovarajuće certificate u cilju dokazivanja uslova iz tačke 3.2.2. tenderske dokumentacije *je osnovan*. Ponuđač „Fun design“ d.o.o. Sarajevo je dostavio certifikat broj CT-13-11-22-08 od 22. novembra 2016. godine, kojem je istekao rok važnosti.

Navod da je pomenuti ponuđač za stavku br. 3 Obrasca za cijenu ponude ponudio dvije opcije a da nije jasno definisao koju od njih nudi *je osnovan*.


Navod da je pomenuti ponuđač predao lažni dokument kao dokaz da proizvod kojeg nudi pod stavkom br. 6 - Obrasca za cijenu ponude ispunjava tražene uslove *nije osnovan*. I pored tog što je Žalitelj dostavio kataloške dimenzije traženog proizvoda kojeg prodaje firme LEGLER OHG, Komisija ne može da potvrdi da je ponuđač „Fun design“ d.o.o. Sarajevo u svojoj ponudi ponudio baš taj proizvod.

Imajući u vidu navedeno, Komisija za javne nabavke je konstatovala da je ponudu predalo 3 (tri) ponuđača: „Top sport“ d.o.o. Bijeljina – broj protokola 01-11-2044/20-1, „Flex invest“ d.o.o. Sarajevo – broj protokola 01-11-2058-1/20 i „Fun design“ d.o.o. Sarajevo – broj protokola 01-11-2060/20;

- nije bilo neblagovremenih ponuda;

- ponuda ponuđača „Top sport“ d.o.o. Bijeljina je ocijenjena neprihvatljivom iz razloga što nisu ponuđene sve stavke u skladu sa zahtjevima traženim u tenderskoj dokumentaciji. Naime, u stavci br. 1 obrasca za cijenu ponude se traži drvena multifunkcionalna dječija guralica minimalnih dimenzija 35x35x40 cm, a navedeni ponuđač je ponudio proizvod dimenzija 34x45,5x32 cm iz čega je vidljivo da navedeni proizvod ne ispunjava uslove navedene u tenderskoj dokumentaciji. Nadalje, stavkom br. 7 obrasca za cijenu ponude je traženo sljedeće: „*Drvene kućice za razvoj motorike kod djece, igračka se sastoji od drvenih ploča s rupicama od kojih se spajanjem pomoću pertli prave kućice; min. dim. 20x10x0,5 cm*“, a ponuđač je ponudio drvene figure u obliku divljih životinja kroz koje se provlače pertlice, iz čega je vidljivo da navedeni proizvod ne ispunjava uslove navedene u tenderskoj dokumentaciji. Zbog svega navedenog ponuda ponuđača „Top sport“ d.o.o. Bijeljina je ocijenjena neprihvatljivom.

- ponuda ponuđača „Flex invest“ d.o.o. Sarajevo je ocijenjena neprihvatljivom iz razloga što nisu ponuđene sve stavke u skladu sa zahtjevima traženim u tenderskoj dokumentaciji. Naime, u stavci br. 3 obrasca za cijenu ponude se traži drvena razvojna motorička kocka minimalnih dimenzija 20x20x25 cm, a navedeni ponuđač je ponudio proizvod dimenzija 15x15x29 cm iz čega je vidljivo



JAVNA USTANOVA ZA PREDŠKOLSKI ODGOJ I OBRAZOVANJE

„NAŠE DIJETE“ TUZLA

KREČANSKA BROJ 3, 75000 TUZLA

ID BROJ: 4209046740000 CENTRALA/FAX: +38735369920

n-dijete@bih.net.ba www.nasedijete.ba

da ponuđeni proizvod ne ispunjava uslove navedene u tenderskoj dokumentaciji. Nadalje, u stavci br. 5 obrasca za cijenu ponude se traži motorička igračka za djecu minimalnih dimenzija 20x20x20 cm, a navedeni ponuđač je ponudio proizvod dimenzija 28x21x9 cm iz čega je vidljivo da ponuđeni proizvod ne ispunjava uslove navedene u tenderskoj dokumentaciji, dok u stavci br. 6 obrasca za cijenu ponude se traži drvena tabla za razvoj motorike kod djece minimalnih dimenzija 15x15 cm, a ponuđač je ponudio proizvod dimenzija 17x13 cm iz čega je vidljivo da navedeni proizvod ne ispunjava uslove navedene u tenderskoj dokumentaciji. Zbog svega navedenog ponuda ponuđača „Flex invest“ d.o.o. Sarajevo je ocijenjena neprihvatljivom.

- iz razloga navedenih u izjašnjenju po pristigloj žalbi, Komisija je konstatovala da ponuda ponuđača „Fun design“ d.o.o. Sarajevo ne ispunjava uslove tražene tenderskom dokumentacijom i ista je ocijenjena neprihvatljivom.

U tenderskoj dokumentaciji je predviđeno provođenje e-aukcije, u skladu sa Pravilnikom o uslovima i načinu korištenja e-aukcije (Sl. list BiH broj 66/16 od 06.09.2016. godine), ali s obzirom da nije pristigla nijedna prihvatljiva ponuda, planirana e-aukcija nije zakazivana.

- dana 24.07.2020. godine zaprimljena je dodatna kvalifikaciona dokumentacija, koju je ponuđač „Fun design“ d.o.o. Sarajevo dostavio dana 22.07.2020. godine u cilju dokazivanja uslova iz člana 3.1.2. tenderske dokumentacije. Komisija za javne nabavke je uvidom u istu utvrdila da navedeni ponuđač nije dostavio uvjerenje izdato od Suda BiH iz kojeg je vidljivo da mu u krivičnom postupku nije izrečena pravosnažna presuda kojom je osuđen za krivična djela učešća u kriminalnoj organizaciji, za korupciju, prevaru ili pranje novca, te iz navedenog razloga eventualni ugovor za ponuđačem „Fun design“ d.o.o. Sarajevo ne bi mogao biti potpisan.

U postupku donošenja ove odluke, posebno su cijinjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjelih ponuda, shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama („Službeni glasnik BiH“ broj 39/14), podzakonskim aktima i tenderskom dokumentacijom. Shodno tome, ugovorni organ je prihvatio preporuku Komisije za javne nabavke, te je iz tih razloga, a u skladu sa odredbom člana 69. stav (2) tačka d) Zakona o javnim nabavkama BiH, poništen postupak predmetne nabavke za LOT 1.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, u roku od 5 dana od dana prijema iste. Žalba se podnosi u dovoljnom broju primjeraka, pismeno putem pošte ili direktno na protokol Ustanove u objektu „Pčelica“ u Tuzli, ul. Krečanska 3.

DOSTAVLJENO:

1. Ponuđačima x 3
2. Spis
3. A/a



DIREKTOR

[Signature]
/ Karić Sanja, dipl. iur /

Broj: 01-11-1890-14.1/2020
Tuzla, 28.07.2020. godine

[Handwritten signature]